



შირაქი

SHIRAKI

www.open.ge

გამოდის 1937 წლიდან

დადოვლისწყაროს მუნიციპალიტეტის გაზეთი

№21 (9.735)

4 - 11 ივნისი 2016 წელი

ფასი: 50 თეთრი

ყოველკვირული გამოცემა

**გავზვითა
დაცვის დღე**
დადოვლისწყაროში
გვ.2



გვ.3-5

**გიქინა
ივანიშვილის დია
წერილი**

**პატარა
მომღერლების
ღიღი
წარმატება**

გვ.6



**განათლების
მინისტრის
თანამდებობაზე
თამარ სანიკიძეს
ალექსანდრა
ჯეჯელავა შეცვლის**
გვ.2

ბოლო გარი სკოლებში



გვ.8

**მგლის „სელფი“
ვაშლიკვანის
დაცულ
ტერიტორიებზე**
გვ.2



განათლების მინისტრის თანამდებობაზე თამარ სანიკიძეს ალექსანდრე ჯეჯელავა შეცვლის

განათლებისა და მეცნიერების მინისტრად ალექსანდრე ჯეჯელავა დაინიშნა. თამარ სანიკიძის შემცვლელი საქართველოს პრემიერ-მინისტრმა გიორგი კვიციანიშვილმა დღეს, მთავრობის ადმინისტრაციაში წარადგინა.

“მინდა წარმოგიდგინოთ სანდრო ჯეჯელავა, რომელიც გახლავთ ძალიან გამოცდილი ადამიანი. ის იყო კომაროვის სკოლის ერთ-ერთი ყველაზე წარჩინებული კურსდამთავრებული. ამის შემდეგ მან დაამთავრა თბილისის სახელმწიფო უნივერსიტეტი, შემდეგ ESM-ის ბიზნეს სკოლა, რომელიც დღეს “თავისუფალი უნივერსიტეტის” სახელით არის ცნობილი, მას აქვს ძალიან დიდი გამოცდილება როგორც საინფორმაციო ტექნოლოგიების, ისე ინოვაციების სფეროში და რაც ყველაზე მთავარია, განათლების სფეროში - კონკრეტულად იმ მიმართულებით, რომელიც მთლიანად ეხმარება ჩვენი ოთხპუნქტიანი გეგმის მიმართულებებს. მხედველობაში მაქვს პროფესიული განათლების და კადრების გადამზადების სფერო და ა.შ.” - განაცხადა გიორგი კვიციანიშვილმა.

მისივე თქმით, ალექსანდრე ჯეჯელავას გააჩნია ძალიან კარგი ხედვები განათლების სფეროს განვითარების შესახებ.

“ბოლო პერიოდში მქონდა არაერთი დისკუსია და მსჯელობა მასთან ერთად და საჭიროდ ჩავთვალე მისი კანდიდატურა წარმედგინა განათლების მინისტრის პოსტზე. ვფიქრობ, ჩვენ ნამდვილად გვჭირდება განახლებული ხედვები ჩვენი განათლების სფეროს განვითარებისთვის. ვთვლი, რომ განათლების სფეროში დევს გასაღები ჩვენი მომავალი განვითარების. განათლება ყველაზე მნიშვნელოვანი სტრატეგიული სფეროა. განათლების მიმართულებაზე და ჩვენი რეფორმების წარმატებაზე არის დამოკიდებული ჩვენი ქვეყნის განვითარება და დინამიკა, რომელსაც ჩვენ შევქმნით. მე ძალიან ოტიმისტურად ვარ განწყობილი. ვიმედოვნებ და მჯერა, ჩვენ ერთ გუნდად გავაგრძელებთ ძალიან ბევრ რეფორმას”, - აღნიშნა გიორგი კვიციანიშვილმა.

პრემიერ-მინისტრმა წარმატება უსურვა ყოფილ მინისტრ თამარ სანიკიძეს, რომელიც მისი თქმით, “ამ მიმართულებით და სხვა მანდატით გავაგრძელებს საქმიანობას”.

“მინდა წარმატება ვუსურვო სანდრო ჯეჯელავას, რომელიც არის ნამდვილად მნიშვნელოვანი და ღირებული შენაშატი ჩვენი გუნდისთვის”, - აღნიშნა პრემიერმა.

მგლის „სელფი“ ვაშლოვანის დაცულ ტერიტორიებზე

ვაშლოვანის დაცულ ტერიტორიებზე ფოტოხაფანგმა მგელი დააფიქსირა. შესაბამის ფოტოს დაცული ტერიტორიების ადმინისტრაცია ავრცელებს.

ვაშლოვანის ნაკრძალში ბიომრავალფეროვნების მონიტორინგი ფოტომახეების მეშვეობით მიმდინარეობს. ფოტომახეების დახმარებით შესაძლებელია გარეული ცხოველების დისტანციურად გადაღება, მათი რიცხოვნობის დადგენა, დღეღამური და სეზონური აქტივობის დაფიქსირება და ა.შ.

ვაშლოვანის დაცული ტერიტორიები საქართველოს უკიდურეს აღმოსავლეთ ნაწილში, დედოფლისწყაროს რაიონში მდებარეობს. იგი მოიცავს: ვაშლოვანის ნაკრძალს, ვაშლოვანის ეროვნულ პარკსა და ბუნების ძეგლებს: არნივის ხეობას, ტახტიტეფას ტალახის ვულკანებს, ჯუმას ყურეს, ალაზნის ჭალებს. დაცული ტერიტორია კახეთის ორ მთავარ მდინარეს — იორსა და ალაზანს შორისაა მოქცეული. ხეობა წარმოადგენს კირქვული წარმოშობის კლდეებში პატარა ხევის მიერ გაჭრილ ღრმა და ულამაზეს კანიონს. ვაშლოვანის დაცული ტერიტორიების საერთო ფართობი დაახლოებით 24 924 ჰექტარია.

ბავშვთა დაცვის დღის ქრონიკა

ბავშვთა დაცვის საერთაშორისო დღე პომპეზურად აღინიშნა წელს დედოფლისწყაროში. მუნიციპალიტეტის კულტურისა და ძეგლთა დაცვის ცენტრის ორგანიზებით ამ დღეს მრავალფეროვანი ღონისძიებები ჩატარდა.

დედოფლისწყაროელ ბავშვებს სტუმრად ეწვივნენ მულტფილმებისა და ზღაპრის გმირები. პატარებს ბავშვთა დაცვის საერთაშორისო დღე მიულოცა მუნიციპალიტეტის გამგებელმა ნიკოლოზ ჯანიაშვილმა. „ჩვენ ყოველთვის ვეცდებით, გაგილამაზოთ ცხოვრება და გაგანებივროთ მსგავსი სასიამოვნო სიურპრიზებით. ეს ღონისძიება კიდევ ერთი დადასტურებაა იმის, რომ ყველაზე მნიშვნელოვანი მომავალ თაობაზე ზრუნვაა, თაობაზე, ვისაც უნდა გადავხაროთ ქვეყნის მომავალი“-აღნიშნა დედოფლისწყაროს გამგებელმა.

ღონისძიებამ ესტაფეტა აიღო დედოფლისწყაროს კულტურის სახლის ეზოვად დრამერების აღლუმით, რომელთაც უკან მიყვებოდნენ ბავშვები, ზღაპრისა და მულტფილმების გმირებთან ერთად...

ალექსანდრე ჯეჯელავამა გზა განაგრძეს მარიამ ლეთისმშობლის მიძინების სახელობის ტაძრისკენ და გადაინაცვლეს მუნიციპალიტეტის გამგეობის წინ სპეციალურად მოწყობილ სცენაზე, სადაც გაიმართა კონცერტი საყვარელი მულტფილმებისა და ზღაპრის გმირების, ასევე სტუდია „არლეკინოს“ მსახიობებისა და სოფელ სამთაწყაროს მედოლე ბიჭუნების მონაწილეობით.

ბავშვები ემოციებს ვერ მალავდნენ სიხარულისგან. მათ გადაიღეს ფოტოები ზღაპრისა და მულტფილმების გმირებთან ერთად, იმხიარულეს და კიდევ ერთი ულამაზესი დღე ჩაინერა პატარების ცხოვრებაში.

სალამოს დასასრულს გაიმართა კონცერტი, სადაც ქართული ესტრადის მომღერლები - ნინი ბადურაშვილი, ქეთი და თამუნა გამართულეები მონაწილეობდნენ.



1 ივნისი- ბავშვთა დაცვის საერთაშორისო დღე დედოფლისწყაროს საბავშვო ბაღებში მრავალფეროვანი ღონისძიებებით აღინიშნა. ჩვენ ქალაქის N1 საბავშვო ბაღს ვენივით. 4-5 წლიანთა ჯგუფის პედაგოგი დალი მადლარაშვილი და თანაშემწე ელენე პოპიაშვილი პატარა აღსაზრდელებთან ერთად ბაღის ლამაზად მორთულ ეზოში ეპატიჟებიან მოწვეულ სტუმრებს. ჰაერში გასაშვებად გამზადებული ფერად-ფერადი ბუშტები გაბმული, ისმის საბავშვო მელოდიები, ირგვლივ ურიაშულია, ყველა თავისი ნომრის შესასრულებლად ემზადება, დედები და გულშემატკივრები ფოტოაპარატებს უმარჯვენენ თავიანთ პატარებს, კიდევ ერთი დაუვიწყარი დღე ჩვენს ბავშვებს, მულტფილმებისა და ზღაპრების გმირების სამყაროში მოგზაურობა, კედლების ცარკით მოხატვა, სამახსოვრო ნივთების დამზადება, ლექსები, სიმღერები, ყველასათვის კარგად ნაცნობი “ლალი, ლალი, ჩემო ლალი”...და სადღესასწაულო ფეირვერკით დაგვირგვინება, ჰაერში გაშვებული უამრავი ბურთი და მასზე მიდევნებული ბავშვების გაცისკროვნებული თვალები...

დაე, ასეთი გაცისკროვნებული სახეები გქონდეთ მუდამ, ჩვენო პატარებო, თქვენს სახეს ღიმილი არ მოშორებოდეს არასოდეს, ჩვენი მომავალი თაობებო, ჩვენი იმედებო!

* * *

ბავშვთა დაცვის დღის კვირეულის ფარგლებში დედოფლისწყაროს მუნიციპალიტეტის ყველა სოფელსა და ქალაქის საბავშვო ბაღებს შორის სკოლამდელი სააღმზრდელო ცენტრის ინიციატივით გაიმართა ინტელექტუალური კონკურსი „პატარა გენიოსები“. კონკურსი ჩატარდა სამ ტურად, ბავშვები პასუხობდნენ კითხვებს და გამოცანებს, მხატვრულად კითხულობდნენ ლექსებს, წარმოადგინეს სიტყვათა ბავშვური განმარტებები, თავისუფალი თემები, დახატეს გამოცანის პასუხები.

კონკურსში მონაწილე ყველა ბავშვი გამარჯვებული იყო და ისინი დაჯილდოვდნენ სიგელებით.



ბავშვთა დაცვის დღე მრავალფეროვანი ღონისძიებებით აღინიშნა

ბ ა ვ შ ვ თ ა დაცვის დღე 1 ივნისი, ლამაზი დღესასწაულებით და გამოფენებით აღინიშნა დედოფლისწყაროში, ამ დღეს მოეწყო ბავშვების გამოფენა მხარეთმცოდნეობის მუზეუმში, N 2 საბავშვო ბაღის დამამთავრებელ


ჯგუფს უმასპინძლა დედოფლისწყაროს რაიონულმა ბიბლიოთეკამ, ხოლო სალამოს, კულტურის სახლის წინ, მოეწყო ასფალტზე რაიონის ბავშვების მიერ ფერადი ცარცებით მოხატვა. ყველა ამ ღონისძიებას ესწრებოდა დედოფლისწყაროს მუნიციპალიტეტის კულტურისა და ძეგლთა დაცვის ცენტრის ხელმძღვანელობა ნონა ჯიბლაშვილის ხელმძღვანელობით, მათ ამ დღეს სამივე ღონისძიებაზე ფასიანი საჩუქრები გადასცეს რაიონის 200-მდე ღონისძიებაში მონაწილე ბავშვს. სა-

საჩუქრე ამანათი საკმაოდ მტრავალ ფეროვანი გახლდათ, მასში შედიოდა სახატავი რვეულები, გუაშები, ფანქრები, ფლომასტერები, ფერადი ქაღალდები, სათლელეები, ფერადი ცარცები და სხვა უამრავი ნივთი.

ლალი მეხროშვილი



ბავშვური თვალით დანახული სამყარო



ბავშვთა უფლებების დაცვის საერთაშორისო დღე ბავშვთა ნამუშევრების გამოფენით აღნიშნა დედოფლისწყაროს მხარეთმცოდნეობის მუზეუმმა. მცირე დარბაზში სოფელ ოზანის საჯარო სკოლის II კლასის მოსწავლე (პედაგოგი თამარ ოზაშვილი) სანდრო მოსულიშვილის ნახატებს დაეთმო. ნახატები, ძირითადად, ფანქრით და ფლომასტერებით არის შესრულებული, თემატიკა კი მრავალფეროვანია - ადამიანები, მოვლენები, ცხოველები, ბუნება, განწყობილება და.. პოლიტიკა-საქართველოს და ამერიკის ურთიერთობა პატარა მხატვარმა გვერდიგვერდ ორი ქვეყნის დროშების, ქალაქების და ადამიანების დაყენებით გამოხატა, გაჩირღანდებული ფანჯრების დახატვით კი ამ ქვეყნებს შორის ნათელი მომავლის იმედი გამოთქვა, სხვა ნახატში ოჯახის ყველა წევრი დახატული და აწერილი: მე მიყვარს ჩემი ოჯახი, იქეთ ვულკანის საშობრებაა წარმოდგენილი, აქეთ გველიჭამია არნივის და გველის შერკინება. ერთი სიტყვით, დარბაზი სავსეა იმ ოცნებებით, რომელიც პატარა სანდროს გრძობასა და გონებაში იხარება და ამ ნახატებშია განიფთებული.

დიდ დარბაზში გამოფენილია მუზეუმთან არსებული ხელგარჯილობის წრის მოსწავლეთა მიერ შესრულებული მრავალფეროვანი ნამუშევრები-ნახატები, ნაქარგები, ნაძერწები, თაბაშირის ბარე-

ლიფები, ხელით ნამუშევარი თოჯინები და სხვა მრავალი. ყურადღებას იპყრობს გიორგი და საბა ბოჭორიშვილების, ლიზი ცკიტვილის, ანდრია ტეფნიაშვილის, გიორგი ბულაშვილის, ლანა თეთრაძის, თეკლა ჯიბლაშვილის ნამუშევრები.

გამორჩეულია 5 წლის ელენე ქუაძის შემოქმედება, რომელიც ხელგარჯილობის წრის ყველაზე პატარა წევრია. ის 4 წლისა მიიყვანეს ამ წრეზე და პატარა გოგონამ განსაკუთრებული უნარი გამოავლინა. მისი შესრულებით წარმოდგენილია მრავალფეროვანი და საინტერესო ნახატები, ნაძერწები, რომელიც დამთვლიერებულთა მონონებას იმსახურებს. დამთვლიერებულთა შორის, უფროსებთან ერთად, ბავშვებიც მრავლად არიან. აქ გუნდურად მოვიდნენ საპატრიარქოს სკოლის მოსწავლეები ხელოვნების პედაგოგის გაა ყაჭაშვილის ხელმძღვანელობით.

მუზეუმის დირექტორმა ლალი გურასა-პაულმა და წრის ხელმძღვანელმა მაყვალა ბოჭორიშვილმა მადლობა გადაუხადეს მოსულ დამთვლიერებლებს. დედოფლისწყაროს კულტურის და ძეგლთა დაცვის ცენტრის დირექტორმა ნონა ჯიბლაშვილმა ნინოზა და ბავშვთა უფლებების დაცვის საერთაშორისო დღე მიულოცა დამსწრეთა და მონაწილე ბავშვებს გადასცა საჩუქრად ხატვისა და ძეგლისთვის საჭირო ნივთები. საჩუქრები დაიმსახურეს სტუმრად მოსულმა ბავშვებმაც. ანი ყაზარაშვილმა და გურამ გოგაშვილმა მადლობის ნიშნად მხატვრულად წაიკითხეს ლექსები და მსმენელთა აპლოდისმენტები დაიმსახურეს. ლონისძიება გაახალი-სა ლალიანა უთრუთაშვილის მიერ შესრულებულმა სიმღერამ და დეკლამაციამ.

-ამ პერიოდისთვის წრეში 16 ბავშვია გაერთიანებული.

სწავლება უფასოა, რაც შესაძლებლობას აძლევს ნაკლებშემოსავლიან ოჯახებს, ისარგებლონ ამ მომსახურებით. აქ ბევრი ისეთი ბავშვის უნარი გამოვლინდა და განვითარდა, რომელმაც არც კი იცოდა, თავისი ნიჭის შესახებ. მოსწავლეებს სამ ჯგუფად ვამუშავებ კვირაში 2-3 ჯერ. ჩვენ საქმიანობას არ ვწყვეტთ ზაფხულის არდადეგების დროსაც. ბავშვებს, რომლებიც არ დადიოდნენ ჩვენთან წლის განმავლობაში, შეუძლიათ, მოვიდნენ არდადეგების დროს. მინდა, მადლობა ვუთხრა კულტურის დარგის და მუზეუმის ხელმძღვანელობას, ბავშვთა მშობლებს ჩვენი საქმიანობის ხელშეწყობისთვის, ჩვენ კი ვეცდებით, მეტი და მეტი სიახლეები დავნერგოთ და თავი მოვიწონოთ ჩვენი ნამუშევრებით, - თქვა ჩვენთან საუბარში მაყვალა ბოჭორიშვილმა.

ლონისძიების დასასრულს სანდრო მოსულიშვილი ტორტით გაუმასპინძლა თანატოლებს.

- წარმატებები და ბედნიერი ბავშვობა ვუსურვოთ ჩვენს პატარებს. გამოფენა მუზეუმში ერთ კვირას გასტანს.

ნინო გორაშვილი



პატარა მომღერლების დიდი წარმატება



საქართველოს საგუნდო საზოგადოების ინიციატივით ჩატარდა საქართველოს ბავშვთა და ახალგაზრდული საგუნდო კოლექტივების II ეროვნული კონკურსი. პროექტის ავტორი და ხელმძღვანელი ამ საზოგადოების თავმჯდომარე ქალბატონი ლიანა ჭონიშვილი გახლდათ, ხოლო მხარდამჭერი იყო კულტურის და განათლების დარგის მთელი რიგი ორგანიზაციებისა: საქართველოს კულტურის და ძეგლთა დაცვის და განათლების სამინისტროები, ფონდი „ქართული გალობა“, თბილისის მერია, თბილისის ივ. ჯავახიშვილის სახელობის სახელმწიფო კონსერვატორია, ევგენი მიქელაძის სახელობის თბილისის ცენტრალური სამუსიკოსო სასწავლებელი, ფოლკლორის სახელმწიფო ცენტრი, საპატრიარქოს ახალგაზრდობის სულიერი და ინტელექტუალური განვითარების ეროვნული ცენტრი და კომპოზიტორთა შემოქმედებითი კავშირი. ეს ჩამონათვლი მიგვანიშნებს, თუ რამდენად პრესტიჟული იყო ეს კონკურსი, რომლის ყოფიერების შემადგენლობა დაკომპლექტებული იყო მხარდამჭერი ორგანიზაციების მიერ წარმოდგენილი

მაღალკვალი-ფიციური და კომპეტენტური პროფესიონალი სპეციალისტებით.

აღნიშნული კონკურსი ყოველწლიურია და ის პირველად გასულ წელს ჩატარდა. მასში მონაწილეობა შეუძლია საქართველოში არსებულ ყველა სახეობის კოლექტივებს, რომელიც აკმაყოფილებს და ეთანხმება საკონკურსო პირობებსა და მოთხოვნებს კატეგორიების, ქვეკატეგორიებისა და ასაკობრივი ჯგუფების მიხედვით. აქედან გამომდინარე ვხვდებით, თუ რამდენად ფართომასშტაბიანი გახლდათ კონკურსი, რომლის მიზნებსა და ამოცანებს შეადგენს აკადემიური საგუნდო სიმღერის პოპულარიზაცია, ეროვნული სასიმღერო ტრადიციების დაცვა, ბავშვთა და ახალგაზრდული საგუნდო კოლექტივების მხარდაჭერა და განვითარება, სამემსრულებლო დონის ამაღლება, საქართველოს საგუნდო კოლექტივების მონიტორინგი, სამუშაო გამოცდილებისა და რეპერტუარის გაზიარება, შემოქმედებითი კავშირების დამყარება, საგუნდო შემსრულებლობაში ახალი სახელების აღმოჩენა, ახალგაზრდა ნიჭიერ ქორმასტერთა წარმოჩენა და ნახალისება, ქართველ კომპოზიტორთა შემოქმედების პოპულარიზაცია და სხვა.

კონკურსი ჩატარდა აკადემიურ საგუნდო სიმღერასა, ქართულ ხალხურ სიმღერასა და ქართულ გა-

ლობაში. ამდენად, მრავალრიცხოვანი იყო მონაწილეთა რაოდენობა. სწორედ ამ მრავალრიცხოვან მონაწილეთა შორის იყო ააიპ დედოფლისწყაროს მუნიციპალიტეტის შალვეტ გონაშვილის სახელობის ქართული გალობისა და ხალხური სიმღერის სკოლასთან არსებული ვაჟთა ანსამბლი, რომელიც არსებობის მხოლოდ ორ წელს ითვლის. ანსამბლმა გასულ წელს I ეროვნულ კონკურსშიც მიიღო მონაწილეობა და, მიუხედავად იმისა, რომ სულ ახალგაზრდა გახლდათ და არც სასცენო გამოცდილება ჰქონდათ მოსწავლეებს, III ადგილი მოიპოვეს. უფრო მეტ წარმატებებს მიაღწიეს მიმდინარე წლის აპრილ-მაისში ჩატარებულ II ეროვნულ კონკურსში, რომელიც ორი ტურისა და გალა კონცერტისგან შედგებოდა.

დღეისთვის ანსამბლის შემადგენლობაში 29 ბავშვია. მისი ხელმძღვანელი გახლავთ ხალხური შემოქმედების დიდი ქომაგი და ჩვენი რაიონის კოლორიტული პიროვნება გელა გველეკაშვილი. სწორედ მისი დაუღალავი შრომის ნაყოფია ის წარმატება, რომელიც ჩვენმა ანსამბლმა ამ რთულ კონკურსში მოიპოვა. ჩვენ ბატონ გელას ვესაუბრეთ:

- ბატონო გელა, რა კატეგორიაში მიიღეთ მონაწილეობა?

- ჩვენ, ბევრი განსხვავებით, თითქმის ყველა კატეგორია ავითვისეთ, რამაც ყოფიერად აღფრთოვანება გამოიწვია. ერთი ანსამბლის ნაცვლად ჩვენმა სამმა ანსამბლმა (უმცროს-კლასელთა, უფროსკლასელთა და გაერთიანებულმა) მიიღო მონაწილეობა ხუთ ქვეკატეგორიაში როგორც ხალხურ სიმღერაში, ასევე ქართულ საგალობლებში.

- როგორი იყო თქვენი შედეგები, კმაყოფილი ხართ?

- კმაყოფილი ვარ, რადგან შედეგებიც კარგი გვექონდა და კონკურსიც უაღრესად მაღალ დონეზე იყო ორგანიზებული, ყველა, წუთი-წუთზე, მისთვის განკუთვნილ დროს გამოდიოდა და არ უხდებოდათ დამქანცველი ლოდინი, როგორც სხვა კონკურსებში არცთუ იშვიათად ხდებოდა. ორგანიზება იყო მაღალი დონის, საქმიანი ატმოსფერო და კეთილგანწყობილი ყოფიერი. რაც შეეხება შედეგებს, ოთხ კატეგორიაში დაიმსახურეს II ადგილი, ხოლო ერთში - მესამე. მედლებისათვის ბრძოლაში კი ვერცხლის მედალი გვერგო ხალხურ სიმღერაში, გალობაში კი - ბრინჯაოსი. იმის გათვალისწინებით, რომ სულ რაღაც 2 წელია ანსამბლი ფუნქციონირებს, შედეგებს ვერ დავინუნებთ. ოქროს და ვერცხლის მედალოსნებმა მონაწილეობა მიიღეს გალა კონცერტში, რომელიც კონსერვატორიის დიდ დარბაზში ჩატარდა. აქვე მოხდა ბავშვების

და მათი ხელმძღვანელების დაჯილდოვება. ბავშვებიც ძალიან გახარებულები არიან, პატარა სტიმული არ არის ამდენ მონაწილეში ასეთი შედეგის დადება. უნაროდათ, რადგან კონკურსის დამთავრების შემდეგაც არ წყდებოდა სატელეფონო ზარები, გვილოცავდნენ და ქების სიტყვებს არ იშურებდნენ თვით ლოურის წევრები, ძალიან კომპეტენტური ადამიანები, ხელოვნების შემართი მცოდნეები და დამფასებლები. ასე რომ, კმაყოფილი ვართ და შემდგომი წარმატებებისთვისაც თავდაუზოგავად ვიმუშავებთ.

აქვე მინდა გითხრა, რომ ბატონმა გელამ, როგორც ანსამბლის ხელმძღვანელმა, კონკურსის ორგანიზატორებისგან ფულადი პრემია დაიმსახურა.

ამ კონკურსში მონაწილეობა მიიღო, აგრეთვე, ამავე სკოლის გალობის კლასის უფროსკლასელთა ანსამბლმა, რომელსაც პედაგოგი მარიკა პირზაძე-მგელიაშვილი ხელმძღვანელობს. მათ ბრინჯაოს მედალი მოიპოვეს გალობის კატეგორიაში. ყველაფერი ეს კი ამ სკოლის წარმატება და მისი დირექტორის სოფო მაჭარაშვილის დამსახურებაა.

ნინო გორაშვილი



კიდევ ერთხელ იცეკვებს მათთვის...

ქართული ხალხური ცეკვის შესწავლა ემსახურება მოზარდის ფიზიკურ და ესთეტიკურ განვითარებას, თაობებში ზოგადი კულტურის დანერგვას, მათი გემოვნების ჩამოყალიბებას, ღირსების გრძობის, კორექტული ქცევის და საკუთარი თავის ფლობის უნარების მართვას. იგი თავისი ხასიათითა და მუხტით მოსწავლეს უნივითარებს ეროვნულ იდენტობას და უყალიბებს ტრადიციებისადმი პატივისცემას, რადგან მისი თითოეული ილეთი თუ ფრაგმენტი გარკვეული აზრის მომცველია, გარემოს შთაბეჭდილების ანარეკლია. ათეული წლები მოითხოვდნენ ქორეოგრაფიის მოღვაწენი სკოლებში ქართული ცეკვის საგნობრივ სწავლებას, მაგრამ დღემდე ეს საკითხი ყურადღების მიღმა ღიად არის დარჩენილი.

დღეს ჩვენ მოგიხრობთ ჩვენი რაიონის რეალობაში მოქმედ ქორეოგრაფიულ ანსამბლ „იმედი“, რომელიც მე-9 წელია ფუნქციონირებს და ამ წლების მანძილზე მას ბევრ საზეიმო ღონისძიებასა და ფესტივალზე აქვს მონაწილეობა მიღებული, ჩატარებული აქვს უამრავი გასვლითი კონცერტი, საიდანაც ყოველთვის სიგელებითა და მედლებით ბრუნდებოდა.

2014 წელს ანსამბლი „იმედი“ მინვეული იყო ბულგარეთში მსოფლიო ფესტივალზე სახელწოდებ-

ით „ვარსკვლავთცვენა“, სადაც თავისი ტრადიციისთვის არ უღალატია და კვლავ გამარჯვებულები, დადებითი ემოციებით აღვსილნი დაბრუნდნენ სამშობლოში. მათ სხვადასხვა კონცერტზე მონაწილეობა მიღებული აქვთ სახეები-ნატო გელაშვილი, ნუგზარ კვაშალი, ნიკოლ შოუ, თემცა, მათი ყველაზე დიდი ღირსება და მიზანი - საქველმოქმედო კონცერტებია, რომლებიც 2013 წლიდან იღებს სათავეს... პირველი ასეთი საქველმოქმედო კონცერტიდან შემოსული თანხა მთლიანად გადაერიცხა მახათას მთაზე სამონასტრო კომპლექსის და დედოფლის ნიკაროს წმ. ელია თეზბიტელის მამათა მონასტრის მშენებლობებს.

2014 წელს ანსამბლმა „იმედი“ კვლავ ჩაატარა საქველმოქმედო კონცერტი და შემოსული თანხა შეზღუდული შესაძლებლობების მქონე პირებს გადაეცათ, ხოლო 2015 წელს გაიმართა კიდევ ერთი საქველმოქმედო ღონისძიება და თანხა მთლიანად გადაერიცხა 2008 წლის აგვისტოს ომში დაღუპული გმირების ოჯახებს.

მაისის ბოლოს ჩვენ კიდევ ერთი საქველმოქმედო კონცერტის მაყურებლები აღმოვჩნდით, სადაც არაჩვეულებრივად შესრულებული ეროვნული ცეკვების პარალელურად მუსიკალურ ნომრებში მონაწილეობდნენ ინდივიდუალური შემსრულებლები: მალვინა ისმაილოვა, ანსამბლი „დები ლოლაშვილები“, მალხაზ უძილაური, მანანა ბიკაშვილი, ელენე ლვინიაშვილი, გიორგი ალუღიშვილი, იოვანე შიუკაშვილი, ბექა სისაური და ზურა კვიციანი. ანსამბლის წახალისებას

და ყოფილი პრემიერ-მინისტრის ირაკლი ღარიბაშვილის ინიციატივით. ფონდი შექმნილია იმეათი დაავადებების (ონკოლოგია, ლეიკემია, აუტიზმი და ა.შ) მქონე ბავშვებისათვის სახელმწიფო დაფინანსების პარალელურად დარჩენილი ფინანსური ტვირთის შესამსუბუქებლად.

ღონისძიების დასრულების შემდეგ ანსამბლის წევრთა მშობლებმა ჩვენთან საუბარში აღნიშნეს, რომ ამ საქველმოქმედო აქციების ინიციატორი ყოველთვის მათი პედაგოგი-ხეიჩა ზუბიაშ-

მეცადინეობა პედაგოგთან საუბრით იწყება, რომელიც ეხება მეგობრობას, ერთმანეთის სიყვარულს და გვერდში დგომას. ხეიჩა მასწავლებელთან ერთად უკვე ორი წელია ანსამბლთან მუშაობს დამხმარე ელა ლაპაშვილი, რომელიც ასევე არ ზოგავს თავს, ამ სასიკეთო საქმის კეთებაში-წყვეტიან მშობლები და არ ავიწყდებათ N1 საჯარო სკოლის დირექტორის ეთერ ოთარაშვილის თანადგომა და ყურადღება, რისთვისაც დიდ მადლობას უხდებიან მას.

ვეთანხმებით და სრულად ვიზიარებთ ანსამბლ „იმედის“ პათოსს, უდავოა, რომ თუ ჩვენს მიერ განხორციელებული საქველმოქმედო კონცერტის თუ ნებისმიერი ღონისძიების რეალური შედეგი არაა მხოლოდ ნასიამოვნები მაყურებელი, არამედ ზოგადსაზოგადოებრივი არსი-უკეთესობისკენ შეცვლილი ადამიანის ცხოვრება იქნება?... ნუ ვიქნებით პასიური და გულგრილი, გავხდეთ მაგალითი და გავუზიაროთ ცხოვრება, ვისაც რით შეგვიძლია, მათ, ვისაც ეს ძალიან სჭირდება!...

ელზა ხარაშვილი



არ იშურებდა კულტურის სახლის დირექტორი და ღონისძიების წამყვანი-ცარო მარტიაშვილი. მაყურებელთა ოვაციების ფონზე მიმდინარე კონცერტზე შემოსული თანხა მთლიანად გადაერიცხა „სოლიდარობის ფონდს“, რომელიც 2014 წლის 9 ივნისს დაფუძნ-

ვილია. მას, როგორც ქორეოგრაფს, უდიდესი პასუხისმგებლობა აკისრია, როგორც თითოეული მოსწავლის, ასევე სახელმწიფოს წინაშე, რომ ქვეყანას, საზოგადოებას შემატოს შეგნებული, ზრდილი, მოაზროვნე პიროვნება. ჩვენი შვილებს თითოეული

„მე, შენ და საქართველო!...“

ოთხი წელი უცებ გასულა, გუშინდელი დღე იყო თითქოს მასწავლებლებით, მოსწავლეებით, მშობლებითა და გულშემატყვივრებით გადავსებული N1 საჯარო სკოლის ეზო და მოლოდინი... ვისთან მოვხვდებით, როგორ შევხვდებით და როგორ მიგვიღებს პედაგოგი, როგორ დავძლევთ პროგრამას... ეს და უამრავი სხვა კითხვები გვიტრიალებდა თითოეულ მშობელს, მაგრამ, თურმე, სულ ტყუილად ვნერვიულობდით, რადგან ძალიან საიმედო ხელში მოვხვდით I³ კლასის მშობლები ჩვენი შვილებთან...

ქეთინო დავითაშვილი-ჩვენი შვილების პირველი მასწავლებელი, აღმოჩნდა ზუსტად ისეთი, როგორსაც ინატრებდა ნებისმიერი მშობელი ბავშვებისთვის სკოლის პირველ საფეხურზე. გავიარეთ შინაარსიანი, დატ-

ვირთული და ხალისიანი ოთხი წელიწადი, მან თამამ-თამამითა და ინოვაციების დანერგვით ბევრი რამ ასწავლა ჩვენს შვილებს, არასოდეს გაურჩევია ისინი მათი სოციალური მდგომარეობებისა თუ აკადემიური შესაძლებლობების მიხედვით, პირველ რიგში, ერთმანეთის სიყვარული და გვერდში დგომა ჩაუნერგა, სამშობლოს სიყვარული გაუღვივა და მის წინაშე პასუხისმგებლობის გრძობა ასწავლა... სწორედ სამშობლოს სიყვარულს ეთმობოდა გამოცდილებები საღამოს „მე, შენ და საქართველო!“ დიდი ნაწილი, რომელიც 31 მაისს სკოლის სააქტო დარბაზში გაიმართა.

„ძვირფასო სტუმრებო, მასწავლებლებო, მშობლებო, ბებიებო და პაპებო, ჩვენ, IV³ კლასის მოსწავლეები ვემშვიდობებით ჩვენს სათაყვანებელ

„დედაენას“ და ჩვენს ქეთინო მასწავლებელს, რომელიც მთელი ამ ხნის განმავლობაში თავს გვევლებოდა მშობელ დედასავით და გვინერგავდა სამშობლოსა და ცოდნის სიყვარულს, გვასწავლიდა მეგობრობას, კეთილ საქმეთა ქმნას, მოყვასის სიყვარულს და უფროსების პატივისცემას“- ამ სიტყვებით მიმართავს ბარბარე ასევე აუდიტორიას და ლამაზად გამოწყობილი 26 ბავშვი საზეიმოდ გაფორმებულ სცენაზე განლაგდება. საათნახევრის განმავლობაში მათ ბევრი რამის გადმოცემა მოასწრეს ჩვენთვის, შეგვასვენეს ცოდნის მარადიულობაზე, ქართული ანბანის, „დედაენის“ სიდიადეზე და იაკობის განუზომელ ღვაწლზე, ისაუბრეს „ვეფხისტყაოსანზე“, „ნიკოფსიდიდან დარუბანდამდე“ გადაჭიმულ ჩვენს მრავალტანჯულ სამშობლოზე, „ვეფხისტყავედ“ მოფენილ მის მთა-ველზე და მტრის მუდმივ თარეშზე...

გაიხსენეს სისხლიანი 9 აპრილი, ქაშვეთის ეკლესიის წინ დაღვრილი უდანაშაულოთა სისხლი, მიტაცებული აფხაზეთი და სამაჩაბლო და დაგვიპირდნენ, რომ ყოველთვის იქნებიან სამშობლოს ერთგული ჯარისკაცები, დაიბრუნებენ



ჩვენს კუთვნილ ტერიტორიებს! სამშობლოს სევდიანი თემის გარდა, აქ უამრავი ლამაზი ცეკვა-სიმღერა შესრულდა, ბავშვებმა თავიანთი ნიჭი სხვადასხვა ჭრილიდან დაგვანახეს, ფანდურზე შესრულდა ხალხური სიმღერები, იგალობეს, იცეკვეს ეროვნული ცეკვები, გამოავლინეს მხატვრული კითხვის დიდი ოსტატობა, დადგეს რამდენიმე ინსცენირება სასწავლო პროგრამის ფარგლებში, ღონისძიების დასასრულს კი ქეთინო მასწავლებელმა სიურპრიზი მოუწყო ბავშვებს და N1 საჯარო სკოლის ისტორიაში პირველად, IV³ კლასის ვარსკვლავი გახსნა, რამაც დიდი ოვაციები გამოიწვია,

როგორც მოსწავლეებში, ასევე მშობლებში, გულშემატყვივრებში. ამაღლებული ნუთების, ერთდროულად სიხარულთან და ცრემლებთან დაკავშირებული საღამოს დასასრულს სკოლის დირექტორმა ეთერ ოთარაშვილმა და საგანმანათლებლო რესურსცენტრის დირექტორმა ეთერ დავითაშვილმა აღერთვანება გამოხატეს როგორც მოსწავლეების, ასევე პედაგოგის მიმართ, ასეთი ლამაზი და შინაარსიანი ღონისძიებისთვის და დიდი იმედი გამოთქვეს, მოსწავლეთა მომავალ წარმატებით სწავლასა და ცხოვრებისეულ წინსვლაზე.

ელზა ხარაშვილი



სპმთ პროფკავშირის დედოფლისწყაროს რაიონული ორგანიზაციის თავმჯდომარე მეყვალა მადარაშვილი მწუხარებას გამოთქვამს ხორნაბუჯის საჯარო სკოლის პედაგოგის **დონარი ოზბათელაშვილის** გარდაცვალების გამო და თანაგრძნობას უცხადებს მის ოჯახსა და სკოლას.

სამთაწაროს საბავშვო ბაგა-ბაღის თანამშრომლები ღრმა მწუხარებას გამოთქვამენ თანამშრომლის **იამზა ბერიძის** გარდაცვალების გამო და თანაგრძნობას უცხადებენ განსვენებული ოჯახსა და ახლობლებს.



თრებით აღსანიშნავი იყო მისი ღვაწლი, როგორც ერთგული და ყურადღებიანი კლასის და-

გამოსათხოვარი

დონარი ოზბათელაშვილი

ძნელია დონარიზე წარსულში წერა, ძალიან ძნელი...

1991 წლიდან სოფელ ნითელწყაროს რუსულ საშუალო სკოლაში დაიწყო მათემატიკის მასწავლებლად მუშაობა. ამ ხნის მანძილზე მოსწავლეებისა და კოლეგების სიყვარული და პატივისცემა დაიმსახურა. განსაკუთრებით აღსანიშნავი იყო მისი ღვაწლი, როგორც ერთგული და ყურადღებიანი კლასის და-

მრიგებლისა. გაჭირვებაში მხარში ედგა ყველას - მასწავლებელს და მოსწავლეს, მეზობელსა და მეგობარს.

ნეტავ ყველამ ისეთი შეილობა გაუწიოს თავის მშობლებს, როგორც დონარიმ შეძლო. ერთი წელი იბრძოდა სიცოცხლისათვის, იმისთვის, რომ თავისი გოგონა თვითონ გაეზარდა და დაეფრთხანებინა. სამწუხაროდ, არ დასცალდა...

ხორნაბუჯის საჯარო სკოლა ემშვიდობება თავის ერთ-ერთ ნიჭიერ, გულსხმიერ და პროფესიონალ პედაგოგს. ძნელია იპოვო სიტყვები იმ ტკივილის გადმოსაცემად, რასაც ჩვენი კოლექტივი განიცდის.

ღმერთმა ნათელში ამყოფოს მისი სული. **ხორნაბუჯის საჯარო სკოლის პედაგოგიტიკი**

ბოლო ზარი სკოლებში

არ არსებობს ადამიანი, რომელმაც დრო გააჩერა. ცხოვრების დროებით სტუმრებად მოსულს დღითიდღე უკეთ გვესმის ყოველი წუთის და წამის ფასი. დრო, რომელიც თვალსა და ხელს შუა გვიქრება, ნაყოფიერად და აზრიანად გვინდა გამოვიყენოთ, დროს არაფერი არ აჩერებს, ყველას აქვს სურვილი ცხოვრების მანძილზე ნაბიჯები სიცოცხლის ყველა ეტაპი გამოსცადოს, ბავშვობის მერე ახალგაზრდობა, ახალგაზრდობის მერე შუა ხნის ასაკი და ბოლოს სიბერესაც ჩახედოს თვალებში, რადგან ცხოვრება წყურვილია.

ყოველ გაზაფხულზე ახალგაზრდობის ერთი დიდი ნაკადი

მთავარია, როგორ გამოვიყენებთ დროს ცხოვრებაში. მომავალი გვიჩვენებს, თუ რამდენად სწორად გამოვიყენებთ დროს ჩვენი ახალგაზრდობიდან, რომელიც ახალი გამოწვევების ზღურბლთან დგანან და მომავალს იმედით გაჰყურებენ.

ამ დღეებში დედოფლისწყაროს პირველი საჯარო სკოლის XII^ბ (ხელმძღვანელი სესილი ბრეკაშვილი) და XII^ა (კლასის ხელმძღვანელი ხათუნა სულაშვილი) 53 კურსდამთავრებული დაემშვიდობა სკოლას, მათ ბოლო ზარის ღონისძიება რაიონის კულტურის სახლის დიდ სცენაზე გამართეს. ახალგაზრდებმა შეასრულეს ცეკვები, ნაიკითხეს ლექსები, იმღერს და შეასრუ-

ახლა დამოუკიდებელი ნაბიჯები უნდა გადადგათ. რთული იქნება ეს გზა, ია-ვარდებით არ იქნება მოფენილი, ეკლებიც და აღმართებიც ძალიან ბევრი შეგხვდებათ, მინდა, რომ აღმართები წელგამართულებმა გაიაროთ, ძლიერები იყავით, ამიტომ ილიას ნათქვამი სიტყვები მინდა გავისხეხო, „ამ წუთისოფელს ერთი ბენო ხანს თვალს თუ მოუხუჭავთ, ისე გაგვთვალავს, როგორც დიდოფელი ლეკი ნაბადსაო,“ - არასოდეს მენახოთ გათელილები არცერთი თქვენგანი, ერთმანეთის გატანას, სიკეთესა და სიყვარულს გისურვებთ, სიყვარულით იცხოვრეთ ბავშვებო, რადგან, თუ არა სიყვარული, არაფერია წუთისოფელი. სიყვარული ატრიალებს დედამინას, მე მინდა კოლეგებს მოეუხადო მადლობა, რომლებმაც დიდი შრომა გასწიეს თქვენს არზრდა-განათლებლაში, დიდი შრომა გაიღეს, რომ აქამდე მოსულიყავით. დიდ წარმატებებს გისურვებთ. ცხოვრების გზაზე, ზურგის ქარი ქროდეს თქვენთვის, უფალი გფარავდეთ, გეხვევით და გკოცნით, თქვენი ეთერი მასწავლებელი,“ - აღნიშნა

კეთება და დასახული მიზნების განხორციელება, გეცხოვროთ დამოუკიდებელ, ძლიერ, თავისუფალ საქართველოში.“ - აღნიშნა ქალბატონმა ზინაბმა და თავის აღზრდილებს XII^ა კლასის მოსწავლეებს პირველი კლასის დროინდელი ფოტოები დაურთა, რომელიც მას ქალაქიდან გამოჭრილ ვაზის ფოთლებზე საგანგებოდ ჰქონია მიწებებული და შენახული.

მოსწავლეებს ლექსით დაემშვიდობნენ კლასის ხელმძღვანელები სესილი ბრეკაშვილი და ხათუნა სულაშვილი. „თურმე რამხელა გზა გამოვიარეთ, ეს ხომ მხოლოდ პატარა ბილიკია ცხოვრების დიდ გზაზე. მჯერა, რომ მიაღწევთ სანადებს.

რო სკოლის დირექტორმა ეთერ ოთარაშვილმა.

„სულ შეყვარებული თვალით გეყურით ცხოვრებისთვის, გქონდეთ შრომისა და გარჯის სიყვარული, იყავით უსასრულო ზღვა თქვენი სამშობლოსთვის, გული გქონდეთ ნამდვილად ქართული!“ - დალოცა კურსდამთავრებულები საკრებულოს წევრმა და პედაგოგმა მიხეილ ბახუტაშვილმა.

სკოლის დამთავრება მიულოცა ახალგაზრდებს მუნიციპალიტეტის გამგებელმა ნიკოლოზ ჯანიაშვილმა, რომელმაც სურვილი გამოთქვა, ახალგაზრდებს საღამოს, სკოლის დამთავრების აღსანიშნავ სუფრაზე სწვეოდა, სადაც უკვე არახელცარიელი,



პირველი საჯარო სკოლის XII^ა და XII^ბ კლასის მოსწავლეები და მასწავლებლები პირველი საჯარო სკოლის დამთავრების ღონისძიებაზე.



მოსწავლეებს ლექსით დაემშვიდობნენ კლასის ხელმძღვანელები სესილი ბრეკაშვილი და ხათუნა სულაშვილი.

ემშვიდობება ბავშვობის წლებს და ახალ გზაზე იწყებს სვლას. მათ უხარიათ, თუმცა გვიან გაიგებენ იმ ტკბილი ნექტრის გემოს, რასაც ბავშვობა და სკოლის წლების უდარდელი ხანა ერქვა. ასე, კანონზომიერად და ჩვენდადაუყოთხავად მიდის დრო და მას ვერასოდეს, ვერაფერი აჩერებს. დიახ, ასე მიდის ჩვენს ყოველდღიურობაში წუთები, საათები, დღეები, წლები და რადგან დროის ფასზე ვსაუბრობთ,

ლეს საკუთარი და პედაგოგების პაროდიები.

მოსწავლეებს გზა დაულოცეს პედაგოგებმა: - „მე მინდა მივულოცო სრულიად დედოფლისწყაროს მუნიციპალიტეტის სკოლებს, სრულიად საქართველოს სკოლადამთავრებულებს სკოლის დამთავრება. სასიხარულო და ნაღვლიანია დღევანდელი დღე, დაირეკა ბოლო ზარი და დამთავრდა თქვენთვის ბავშვობის უდარდელი ხანა. თქვენ

თავის გამოსვლაში განათლების სამინისტროს დედოფლისწყაროს რესურსცენტრის ხელმძღვანელმა ქალბატონმა ეთერ დავითაშვილმა.

მოსწავლეებს გზა დაულოცა პირველმა პედაგოგმა ზეინაბ პოპიაშვილმა, „გილოცავთ დღევანდელ სიხარულს, აღარ დაბრუნდება აღარასოდეს ეს სანატრელი დღე, არ შეშინდეთ, უკან არ დაიხიოთ იარეთ წინ გამართულად და მტკიცედ, ჩემი კეთილი სურვილები და რჩევები კი თან გაიყოლებთ საგზაოდ: სულგრძელობით აჯობეთ მტერს, მხოლოდ დიდ სიყვარულს შეუძლია დიდი საქმეების

ჩემს გულში ყოველთვის იქნება თქვენი ადგილი, სულ სწორი იყოს თქვენი გზასავალი, ამინ.“ - აღნიშნა XII^ბ კლასის პირველმა პედაგოგმა ციცი კვეციანიშვილმა.

„გილოცავთ ცხოვრების პირველი ეტაპის წარმატებით გადალახვას, წინ კიდევ დიდი წარმატება გელოდებათ, სიტყვა საქმით დაამტკიცეთ, დაამტკიცეთ, რომ ძლიერები ხართ, ყველაფერი ახლა იწყება, თქვენი მომავალი თქვენს ხელთაა, მჯერა, ვიამაყებ თქვენით. ყველაზე მეტად გამიხარდება, თუ თქვენს მეგობრად მიგულებთ,“ - ცრემლიანი თვალებით დალოცა ახალგაზრდები პირველი საჯარო

არამედ სასმისით ხელდამშვენებული, დალოცავდა მათ.

„საკუთესო წლები გავატარე სკოლაში, მადლობა მინდა ვუთხრა ყველა იმ პედაგოგს, რომლებიც 12 წელი მასწავლიდნენ და პიროვნებად მაყალიბებდნენ, განსაკუთრებული მადლობა მინდა გადავუხადო სესილი ბრეკაშვილს და ქალბატონ ეთერ ზურიკაშვილს, ძალიან მომეხატრება სკოლაში გატარებული წლები,“ - აღნიშნა ჩვენთან საუბარში პირველი საჯარო სკოლის კურსდამთავრებულმა შავლეგო ბიკაშვილმა.

ლალი მხერჩიშვილი

ულოცავენ! ბარ ეგნატუს!



საპატრიარქოს ახალგაზრდული ცენტრის მიერ ორგანიზებული კონკურსის „ჩვენ გსწავლობთ ბი-

ბლიას“ მონაწილე გუნდი „ხორნაბუჯი“ და მისი გულშემატკივრები უდიდეს მადლობას ვუხდით ბერ ეგნატეს განუვლი ამაგისთვის და დიდი სიყვარულით ვულოცავთ დაბადების დღეს. ვუსურვებთ სულიერ მხნეობას და ჯანმრთელობას.

სალომე და მარიამ გორაშვილებს

ჩვენს საყვარელო შვილებო, სალომე და მარიამ, 29 მაისი და 2 ივნისი თქვენი დაბადების დღეებია. ჩვენ ყოველი დღე თქვენით ვხარობთ და ვხალისობთ, თქვენ გვიღამაზებთ ცხოვრებას. გისურვებთ ჯანმრთელობას, კარგად სწავლას და ისეთი შვილები გამოსულიყავით, თქვენით გვეამაყოს. ბედნიერ და ძლიერ საქართველოში გეცხოვროთ.

დედა ნინო; მამა შინგალი; პაპა ვისნელი; ბებია მაყვალა; მამიდა ნინო მორაშვილიანი.

ყურადღება!

ქ. დედოფლისწყაროში, ნიკორციხის ქ. N44-ში მდებარე სასურსათო მაღაზიას ესაჭიროება გამყიდველი (ინდემნარმე „გენადი შიოლაშვილი“). მსურველები დაგვიკავშირდით: 577 05 14 31, იკითხეთ მარინა.

ხორნაბუჯისა და შერეთის მუარქიის ეპისკოპოსის მეუფე დიმიტრის ლოცვა-კურთხევით მალე დაიწყება ქ. დედოფლისწყაროში ღვთისმშობლის მიძინების სახელობის საკათედრო ტაძრის მოხატვა. შესასრულებელი სამუშაოების უზრუნველყოფის მიზნით გახსნილია ანგარიშები, რომელზეც ნებისმიერ მსურველს შეუძლია ჩარიცხოს თანხა. შევენიოთ ამ მნიშვნელოვან საქმეს.

ლარის ანგარიშის რეკვიზიტები
ს.ს. „თობისი ბანკი“
საბანკო კოდი- TBCBGE22
მიმღების დასახელება-დედოფლისწყაროს ღვთისმშობლის სახელობის საკათედრო ტაძარი ანგარიშსწორების ანგარიში-GE64TB7941036080100004

FOR USD TRANSFER	თიბისი ბანკი TBC BANK	
INTERMEDIARY:	CITIBANK N.A. NEW-YORK, USA SWIFT: CITIUS33 ABA: 021000089	DEUTSCHE BANK TRUST COMPANY AMERICAS NEW-YORK, USA SWIFT: BKTRUS33 ABA: 021001033
BENEFICIARY'S BANK:	HEAD OFFICE SWIFT: TBCBGE22 JSC "TBC Bank", Head Office SWIFT: TBCBGE22	
BEN'S Account: NAME OF BENEFICIARY:	GE92 TB79 4103 6180 1000 01 DEDOPLISTSKARO VIRGIN CATHEDRAL CHURCH	

ამინდი		დედოფლისწყარო		საბურთაო		საბურთაო		საბურთაო		საბურთაო	
ორშაბათი 06.06	სამშაბათი 07.06	ორშაბათი 08.06	სამშაბათი 09.06	პარასკევი 10.06	შაბათი 11.06	კვირა 12.06	ორშაბათი 06.06	სამშაბათი 07.06	ორშაბათი 08.06	სამშაბათი 09.06	პარასკევი 10.06
დღე	ღამე	დღე	ღამე	დღე	ღამე	დღე	დღე	ღამე	დღე	ღამე	დღე
17°	16°	18°	15°	17°	14°	14°	13°	16°	14°	18°	17°

გამომცემელი შპს „შირაპი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილში მოყვანილ ფაქტებსა და ციფრებს პასუხს ავებს ავტორი.	სარედაქციო კოლეგია: ლალი მხერჩიშვილი, ილია მარტყოფლიშვილი (ჟურნალისტები); ელზა ხარაშვილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადონდა „შირაპის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს. „სამშობლოს“ სტამბაში.	რედაქციის მისამართი: ქალაქ დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
--	--	--	---